

wysur pústs un taksz naudas. Brejnoiôs, wysi zyna kad pi jô, daudz jôs biëia.

Josôciâ tod muciejt' pujszkinieni, wajcodami: waj nanuzôga naudas? is atsoka: pa wysam nazynu un naredziëiu!

Pasauciâ tod Wojta; dastoia da jô: wajcoj, un bajdiej ar zogorym; kab pasciejtu kur ir nauda? tu zyny: ajsto: kad nikas tie pyrmok smiertis na biëia. Wojts ajzalidzas ar zwierzozonu, kad pa wysam nikô nazyna. Abkôwa tod jû dziełzus, padaúziëia drusku pa wajgu ar kulâkim, un grybiëia jaúszaukstiejt' ar rejkstiom; tyka wali, bet jsadynowa citúma Da Wojta siedziëiama citúma, atgôia wins Kungs, kotrys lełoka radnia biëia da naudas Nabasznika, un jsôcia wojtu wajcôt' pa ajlâj taj:

Kungs. Waj na biëia kas pi Nabasznika, pyrmok jô smiertis?

Wojts atsaciëia: Nazynu ejstin: bet' redziš kad ni kas na biëia.

Kungs. Waj nabiëia kas atgôis nu Sôlas Bôba aba miejta kajda?

Wojts. Na biëia!

Kungs. Waj nastajgôwa pots Kungs kur?

Wojts. Nestajgôwa; ajsto: kad un nawarëia stajgot'.

Kungs. Waj cieszki, tiëwi sauciâ Kungs da sicwim łajka slimiejbas?

Wojts. Biëia tajdas nutikszonas, kad kas dinas, a cyta łajka, por diw dinas, winu tikwiñ rejzi pi jô biëiu.

Kungs. Kužc ar tiëwim raunôwa kad pasauciâ?

Wojts. At! zynôms: runowa ab dorbim, ab tiejrúmu, un ab Mužykim.

Kungs. Waj narunowa kod ab smierti?

Wojts. Nikod narunowa: tikwiñ padiëia rejzi kad pi jô biëiu agry, tyma dina, kuryma numyra; taj da mani runowa: Wierys wojts! starawôis taj darejt', kaj łajka munas wiesielejbas, jo slykti kur átrašzu byúš na łabi. Eš, redziš mañ, byuszu wasafs! Oj: a jo numierszu, wierytiës namozgôit' mani, nawa wáladziejbas munu misu wokot', bet' ar tom že pòszam drebiom iksz kotrom numierszu, jlciť mani szkiersta un pagłobôit', „Un tyłëñ mañ pišciëia jt' da Pryhomnikim uz tiejruma, tyma dina un myra. Wajrog nikô nazynu, un nikô nadzierdiëiu. Iw-

su Kungi walá ir: kú grybit', tu dorel' ar mani!!“

Dasagodowos tys Kungs, ku ziejnoj tá wordi: „Na mozóit' mani, un ar tóm poszom drebióm pagtóbóit mani, iksz kotrom numierszu.“

Tyulen nugóia da Pókóm, pasaucia kłósam sówu Bróli, un draugu, jszutyiécia laudś ora nu tós ustóbas, kur biécia Nabaszniks; szdarécia tabi durawas; jziamia Nabaszniku nu Szkieřta, un jsócia kratiejt' jo drebiás.

O! na - jzsaciejts okłúms progorejgu lauzu! zam krákta jwzós, at-róda diw lélus pykus papiejra naudas (Bumazki) un kuldós, mokus, zařta naudys! Abłasiécia wyssu naudu, a poszu jgryúdiá otkon szkieřta.

Padarécia jam łobas un gon dorgas bierás; pagłobowa Szklepía zam Bazniejcas, Wólyncus pi Bazniejckungu Dominikanu.

Kocz uz bieróm łabi dzirdiécia un barówa; a dieltó: laudś kłusam; a kad pasadzierás un kłajgodami runówa ab Nabaszniku na cisz łabi.

„Kad biécia netajsniejgs, bez nikajdas že-
„Jestiejbas. Biécia plesigs un namitasirdiejgs.
„uz sowim Ziemińkim. Progorejgs lúti, un

„nu progorejbas un ar progorejbu numyra.
„Walnym naudu łasiécia, wařnym un pieć
„smiertiś grybiécia nupiásť, bet at-jámia.“

Pasabiejdzieś biécias. Pieć tú bieru, tresza dina jsóciá laudś runot': „Kad Borodziczs stajoj nákti ab Bazniejeu un pa Mistieni Wólyncy.

Tiej runa Bazniejckungs un gudrókus laudś ajz-brejniécia, ajsto: kad nawarécia đasagódot' nu kajdas przyzynaš tiej runa pasacielś. A Siwitiás un Maritiás pór-jámia, ar taj lešu bajli, kad bařny un jauni pujszkieni, kotry tu-řak stajówa szkoła Wólyncus, (storp tim, biécia un tys Bazniejckungs, kotrys mań tú runowa) neatsawažécia wokora pa winam iz-jt' ora nu ustobas.

Biécia liciniki, kotry redziécia tu bajdiekli stajóit' ab szklepi Bazniejcas; a cyti runowa: „Redziéiom kaj nu szklepía caur řugu jzlejda.“

Biécia daudz tajdu nutikszonu, kad na winam Cieláwiejram zyrgu porbajdiécia un na mozškodiás padarécia, a Cyti bagdami nu łó bajdieklá; nu łetas bajliš ajzřlymowa un itgi stymowa.

Tyma Mistienia Wólyncus, dziejwowa tu-

tajk wins garbarejtś, gon tol nu Kłasztóra un Bazniejcas, pi tó garbarà bièia trejś miejtas, jaù prôwas.

Tys naktis bajdieklis, wysod, jo kas jam na pormajscia, nu szklèpià tajszni góia uz tiejrumu, a nu tiejruma pa mozam da ustóbas tó garbara. Nu jsokuma bajdièia jùs zam tu-gim, ah sinom nu orynias, a pieciok jsocia taustis da siúciu, un jgóia da ustóbas. Tur wiecinius wysajż bajdièia, jaù mauročams, un runodams neskajdus nesaprostis wordus; a jaunas miejtas dowièia un mucieia.

Pieć cik nakszu taj namirejgu; nugóia bie-diejs garbars da Bazr'ejkungu, un prasiè-ia, kab dutù jam kajdu paradu. Bazniej-cungj natycieia tam kab Nabaszniaks stajgò-tu, bet' pagodowa; war byut': kad im taj pasarodièios. Piscieia tod neskótrym pujszym, kab kajdu winu, utrù nakti pawaktiejtu. Tie otkon brejnams, tymò nakti kad sorgoj, baj-dieklis nestajgoj; a jo na sorgoj tutajk wol-kojòs.

Nuskumiejgi Wicini Garbary, ajz-pierk' Miszu Swatu, Stajgoj kas dinas da Bazniej-cas, Miszus SS. ktausa, tyúdzas, dud' kaładu ubógim, uz tós intencias kab Diws jùs głob-

tu un ratawótu. Potièrus, Rozancus, Koron-kas, kas wokóra skajta. Bèt' nawa palejga. Wys taj pat'.

Prósa Bazniejckunga kab porswietiejtu jùs ustobieni; Bazniejckungs diel jùs spokoj-numa, nugóia; un porswietiecia. Wys taj pat'.

Paradièia neskas, kab ustobieniu jzbartu ar tiejrom smilktiom, un kab uz smilktiom ziejmi krysta Swata jznaczejtu, runodami: redzièsim kajdi padi byùs tó naszkiejsta go-ra. Padareia taj: bet' nawa nikajda palejga un nu tó: Bajdieklis jsałaúziš ustobieni, samiej-dièia ziejmi krysta uz smilktiom, un otkon da-rèia sowas sztukas.

Na tikwiñ tyma ustobieni, bet' pa wysssu Mistieni, na bièia miruma, wysssus ab - jamia bajjá. Ni ab ku wajrog narunowa; kaj ab tu: Kad Borodziczs stajgoj, dadudami tyúk-stuszas, brejniejgas jzgodotas nutikszonas. Waj-dzieia konce dasazynótiš, un padarejt' gofu tam naktis bajdieklam.

Tutajk Bazniejckungs Preors Dominika-nu pasaúcia da siewi, kłusam, czetrus łobus pujszus, kołpus klasztora, un piscieia winim, kab nikam nikó na runotu; Kab wokóra kłu-

sam diw atsastus na tol nu Bazniejcas, pre-
tim ūga szklepia; a diw kab byutu na tol
tōs ustobienias, da kotras myrunš cieszki staj-
goj, a kab ūabi waktiejtu, pawielēia winim
dud' ūobu gascinczu.

Wokora taj un padarēia: Posza puš nakti
ti kotry siedēia na tol nu Bazniejcas, pasor-
gōwa, kaj boŭts jz-goia nu ūga Szklēpia, pa
mozam, pa mozam aūga, un pasadarēios cisz
aūkst's. Pymok gōia uz tiejrumu, pieciok
pasegryziā da Mistienā, un ab pakšzym akū,
kŭsom, klausiejdamis, gōia. Un diw Wak-
tiejtōi, nu toliniās taj kab jūs napasorgōtu baj-
dieklis, pamosam, kŭsienki gtobodamiš, piec
jō gōia.

Dagōia is da ustobienias Garbara; tuŭajk
pasorgowa ju un utry diw Waktiejtōi. Kaj
isalaūziās bajdieklis da ustobienis, un jsociā
tur wysajz bajtiejt'. Tyuleñ wyssi czetry
Sorgotōi sagōia wina wita, abstōia aplejk u-
stobieniu, un wins utram dadudami drusu-
ma; druszy jsociā ruŭot', da tim kotry biē-
ia ustoba Pyutit' tywleñ guñi! Nasabiejstot!
Redziešim, un dazynōšim; kajds tie ir baj-
dieklis!

Myrunš dziediejdamš tū runu nu oryniēs;

pažynū jū; saprōta kad nabyūs tie ūabi, poŕ-
stōia jau bajdiejt' ūn dowiejt', bet' kryta da
durāwom kab jz-biagt' nu ustōbas. Bet' sor-
gotōi stowiciā durawos; js jsociā jūs bajdiejt',
maurot', niurdiejt', un kryta tajszni aciš ar
nōgim; bet' kad wins nu sorgotōiu, ciēria jam
ūabi, ar kŭgu pa piraj, un acim, bajdieklis nu
leŭas sopiēs nawarādamiš cist'; ajz-klidziā: „Aj
Jezus!”

Tuŭajk Sorgotōi: Oho! Tie na našskiejsis
gors; jō klidz Jezus, jamiť tod ju druszy;
Tyuleñ kryta uz jō, sāiamia ūn sasiēia ūa
smikŭam; jpyutiā guñi; un pažyna szauczej-
ti, nu tō posza Mistienia Woŭlincy. Nu-
syutiēia žini da Klasztōra, kad sažiwa našz-
skiejsťi gōrū.

Atgōia Furtians nu Klasztōra; pažynā Jd-
ni szauczejti; Piscieia ju pasadynot' bŭkcia
(kŭoda) kotrys bŭkias, wydō rynka biēia pa-
tajsiejts) isadynowa tymōs poszas drebies ar
kotrom biēia absawilciš, tyš ir: ar boŭtu szlaf-
tūcy ūz gotwas, ar garū kraktu, ūn ar lehu
potogu saszywtu.

Uz rejta, kad gajszums pasadarēios; wie-
ras wyssi, kas tie ir boŭts pi bŭkcia: Az sze!
bajlā naktis! Kad jau pa wyssām biēia di-

na; Atgõia Prokurators Klaszora, sasauciã laudís nu wyssa mistienia; jz-jamiã bajdieklí nu bñúkiã, paguldiecia uz ziemiš, pisciëcia paturet', saciertã symtu rejksiu uz jó, un patajdia.

Nu tó łajka, nikas naredzieia nikajda bajdiekla, un ab-klúsa runa, kad Borodiczis stajgoj.

Jonís Szauczejs pisazynos pieciok: kad is nu jsokúma tikwiñ diel smikła taj padarëia; kad padzierdiecia, kad wyssi jó porsabieydós; tułajk okwotnok jsociã stajgot', bajdiejt', un stajgot' da miejtu tó Garbara, kab jós portajdiejt' un jzmuaciejt'. Wina nu tús miejtu posza jam durawas ustobienias atdarëcia.

Oto wyssi naktiś bajlës, tajdi ir; a wys-suwajróg páit' nu tajdaku.

Brólejszy! Szudiñ drusku da wała ajzarunowamies. Ejtie tagad da Satóm; a cyta Niedieli, otkon sãssim, un ab ku nibieis wãiadzieju parunósim.

Nokusza Niedielã kad sagõia wyssi Sajmieniki da Powuła ustóbas; Powuła na biëja Sata; ajsto: kad wiel nabiecia atgõis nu Bazniejcas.

Beł tyuleñ ju pasorgowa ëimu, un cisz

smiëiamus, Wajcowa tod ju: Ko tó Powuleñ taj cisz smiëis?

Powuls atsaciëia: Biëiu tagad pi mywsu Bazniejkungã; Is runõwa mañ smikleji, ab Czygonim, Warãzbitim un Wëgrym, jo grybit' ës jums tó poszu abstóstiëszu.

Grybom! grybim! wyssi atsasaucióš.

Oto taj runowa Bazniejkungis: Żatõiu ës cisz tús hiedieju Zienniku, Gudieju Łatwiszu; kotry naudu kuru ajzpielniej ar aszniaswidrym, cieszki por nikú atbud' tim nagodnim Czygõnim. Tys pòts words Czygons rõda, kad wini ir małotõi, un moniejtoi. Patisz; ir tó laudís wys styktõki, un gtõpi, kotry por sowom zõgszonom, moniejsonom un natykumu pałyka jz-dziejti nu sowas ziemies; nikur nasaturõs pi winas witas dziejwot', bet wołkõios pa wyssu pasauli; nu tó: tikwiñ dziejwoj ku nuzõgs, un kú, nu kó jz-moniejš.

Wini pisoka siew parodiejt' rukku, un uz rukas wierdamiś, brejniejgas litas ab-jowiej, kotras neskod nutiks.

Beł waj ir wigłõka lita? kaj pasciejt' miejtaj: „Turãsi daudz bryõgonu. Kad byusi por-

Siwu bogôta wiejra. Kad wysur tabi jûnis wiaźsis'.

Aba pasciejt' Sajmienikam aba Sajmieniejcaji; kad tajmia ir jwsu ustoba, jau pi durawu. Kad tûpi jûns tabi wiaźsis' un augs'. Kad miejtu sowu jz- dús ajz bogôta cytwaka.

Da tajdas profetieibas na waiag czygona; siewkurajs tropiejš taj profetiejt'.

Beť wajež taj nutiks kaj wini runoj? Nikod. Ajsto: wajež Czygoni ar Diwu runôwa, kab zynotu, kû, Diws kam jz- zna- czêia?

Jo towa miejta byús gudiejga, cnotliwa, un toba strodnica, drejžok jz- js pi wiejra; ne kaj miejta bezkaúniejga, launiejga un nati- klâ; ajsto: kad siewkurajs pûjs, wajrog gryh atrâst' toba šiwiti, ne kaj styktu siwu.

Taj pat', jo Sajmieniks ar Sajmieniejcu byús tobi strôdniki, starawiejgi; jo byús ah satu křopotiejgi; jo na byús dzarôti, jo kruga napilnawôs, tod ejstii, tajmia na tikwiu byús pi durawu, beť byús jas ustôba. Tabi winim wiaźsis' tûpi, un turâš wyssa gon; ajsto: kad Diws tobi laudim dud', sowu řařku un řogostawiejbû.

A jo byús natikli; řajdaki un Dzarôti; to kocza symbu rejšu runotu czygóns ab bogotiejbu un montu, wini wyssod byús biediejgi un neťajmigi; ajsto: kad launiejgim un styktim laudim Diws nabřogostawiej.

Czygons tikwiu czyganiej: a tymô posza řajka, kad wins laudim maťoj, un jas bařa- múcej, cyti pa Kambarym pa ustobom žug.

Wajež tajdi řajdaki un natikli war zynoť, ku Diws ar cyřwaku padarejš; un kajdu jam řajmi jz- značêia? Kad wini taj gudri un zynôiami kur řajmie; kodzielže pošy wyssod biediejgi?

Francis: O! kû tisa to tisa! ejstu praw- du runôwa Bazynejkungs, kad Czygoni ir žagli un moniejtoi! Wini munaj Siwaj uz tierga, skûstu nu pľacu nužôga; dauđ kas redziêia; beť taj pagřobôwa, taj bažêios, kad un prapula. A myusu Kajmieniam Ju- ram nauđu nu kufdas tikwiu tik na- jz- wyřka.

Beť waj narunowa tiw kû, ab waraž- bitkôm?

Powuřs: Runôwa tu poš ab Waražbit- kom, ku un ab czygonim. Saciêia; ir to: pilut- kas, moniejtoias; kotras nikô nazyna; a rôda.

kad wyssu war atgódot'; kab tikwin nu laudu nauđu jz-moniejt'. Kaj czygoni nu rúkas níkó nawar paziej' un atgódot'; taj un Waraźbitka nu kartu, aba nu Sita, nikajdas prawdas nawar pasciejt'; ajsto: kad siewkurajszy-na, kad kartas un síts ir to lítas nadziejwas un níkó nazynomas. Waraźbitka kaj gryb, taj war kartas sańkt' un jzmiást'; a Sítu taj pagryzt', kab stotás uz tó, uz kó godoj.

A jo profetiziej, kad tys, aba cyts drejż absaźeniejsis, páims skajstu un bogótu miejtu, aba miejta drejży iz-jś pi wiejra; tó jós profetiejba tik stoń cik czygona.

Nawa nikajdas nalejdziejbas storp czygonu un Waraźbitku. Dielto że nu Kieninia pisciejts ir: kab Suda Wiersieniki nazwolejtu Czygonim wołkotis, a Waraźbitkas kab szmagi stropátu.

Powuťs tołók taj runowa: Kad pabiejdzia Bazniejckungs taj rúnot' ab Czygonim un Waraźbitkom; runowaj taj ab Wengrym stajgóiamim ar zólom un olejkim.

Wengry, launiejgóki ir ne kaj Czygoni un Waraźbitkas; ajsto: kad czygoni un Waraźbitkas, tikwin jz-móna nauđu a nawodiej wiesielej'bij cytwaka; Bet Wengry na tikwin

nauđu darám brejwielt' jz-móna, bet cieszki ar sowom, zólom wodiej wiesielej'bij, un ar olejkim cieszki kaléczej. Na wins nu jús zólul palyka okłys, na winam, acs sorkónas pasadaréios; na wins palyka szkurslys; na wins nu jús zólu nu jús olejku citià un ciszwyda sopieś.

Wengri kotry tie wołkóòs, ir lauds sprósti, bez nikajdas zynoszonas, ir tajdi kotry na tikwin na mòk rákstiejt', bet na mòk un uz gromotas skajtiejt'. A wyssu cieszkok ir tó zagli; ir tó: jz-bagi nu kára sowas Kienistias. Kajze wini war zynotiś ab slimiejbom, un zólom diel slimiejbu, kab da tó: waiag gudruma, waiag daudź pracas, un itgas wujciejszónas.

Runowa Bazniejckungs taj: Redziéiu es pats, kaj wins Wengrys, winu un tu poszu zólú (proszek) pordiewia un daudź slimiejbom; Biediejim spróstim Ziennikim; winam diewià uz abtyúkszónas kóiu. Utram uz sopis gółwas, cytam uz sopieś ócu, a miejtaj: kab daudź turátu brygonu, a cytam, kab jam zygi tabi wastus, etc. etc. etc.

Runówa Bazniejckungs taj: Páiamu tós zelwias (proszki), un pazynu kad tur biéia;

goryŭza majziś sadadzynôta uz uglé, un smôłki satrejta; un dabartiś biéčia da to druskú wapnas.

Waj že na ir to ejsta môniojszôna? Waj že war sadadzynôta goryŭza, un ar wápnú samajsiéjta bryŭgonus sawiášť? Jz-leczejt' acś, aba aptyukszonú nuciált'? Aba dud' tajmi da zyrjim'?

Wápna wiel wajrog ajzwodiejś acim; nú wapnas ejślin guńś ikkryś acioś; a goryŭza majzis, ejstiń ni palejdziaś, ni ajzwodiejś.

Waiąg cisz patiejkt' Kieniniam myŭsu; kad pisciéia Wengrus nałajt' da mywsu ziemiś; un dziejt' jús nu sowas Kientistiás.

A Pastatiéia: Kab siewkura mista bytú Doktorś; da tim tó, waiąg tajka ślimiejbaś biágt', un jús paradas kłausiejt'. Tisa, kad wini nádús zólú, kab bytútu daudź brygonu, ná dás zólú uz tajmiś zyrġú, aj-to: zyná un paziejt' kad tó ir: gtúpums, moniejzôná, un tajdu nawá zólú; bet' dás zólas nu abtyukszonas; nu sopies gofwas palejdziejgas, tós zyna, a diel zynószonas un paziejzônas tús zólú, daudź godu wujciéios, taj pabiejzia mań tunot' Bazniejckungś.

Tie wins nu Sajmieniku *Ontońs* atsasau-

ciás taj: *Mifajs Powuleń!* *Eyŭdzu*, pawajcoj Bazniejckunga kad pi *Jo* byŭśi. *Kú* waiąg godol', un waj waiąga wirejt' tam cyłwakam, kotrys liléias, kad zyna wacu nauđu, un montu ziemie ajz rokту?

Wakar atgóia da mani wins cyłwaks pa wyssam napaziejstams, un pasciéia; kad ir waca-nauda ajz-rokta uz muna dórza; un gryb ju diel mani izwilkt'; bet' pymok prósa nu manis czetrus gobofus *Sudobra* (rubli srebrne).

Powuś: *Ebi Ontonień!* *Pawajcoszu Jô.* *Sasdiń* tyka mań alit' da siewi. Kad da-gajdiejsim nokuszaz *Swadunias*; es' jüms abstóstiészju wyssu ku tikwiń nu *Jô* dzierdiejszu.

Nokusza Niedieli, kad wyssi *Sajmieniki* sa-góia; *Powuś* isócia taj runot':

Ontonień! wajcowu es' *Bazniejckunga* abtá, kò esśi mani prasiéis. *Bazniejckungs* pisciéia mań prasiejt' tiewi, kab naticiatim tám moniejtoiam un bakamutam, kotrys por czet-rus całkowus, gryb diel tiewi jz-rakt' wacu nauđu. Kab is zynotu kad towa dórza ir pagtobota waca nauđa; ejstiń tiew neab-jowiej-

tu, un naprasiejtu czterus całkowus, a pòta kłusam iz-roktu.

Nagòdni ir to tajdaki un moniejtòi, a bie-diejgi un łobi Ziemiłki tyc winim, kocznawinu rezi jús apmonièia. Na winam Sajmienikam, wini paròka dubiàs pa Kambarym, pa dòrzym. Iz-plèsià grejdas pa Ustobom un Klètiom. Na winam daudź padarèia szkòdis dòrza, na winu aùglejgu kùka padròka un jz-gozia, a kad jaù wyssu jz-dziera, jz-èdia, un jspustièia Sajmieniku, poszy nakti nubaga na iz-rakuszy wacas naudas.

Radzama to ir lita: kad wini ir moniejtòi; ajstò: kab zynotu ab wacom nau-dom na byutu taj biediejgi, kaj ir tagad?

Runòwa Bazniejckungs ab winu nutik-szonu, kotru jàm poszam tropièios redziet?

Ira tam jau godu picpaćmit; winu Sajmieniku Is porsorgòwa, kab nawirejtu tajdim moniejtòim, bet tys Sajmieniks napakłausiè-ia, un dazwolèia, sowos àkas mieklet' nau-das. Ti bezdwièjgi, diw Niedielas pi jò èdia un dziera; kas naktiís roka, szepezeia, niur-dièia, un dzyna ora nu usiòbas laudś, a wysod runowa. Włatns nagryb padut' tòs naudas, bet' mies ju apmoniejšim.

Uz goła, kad pasorgòwa, kad Sajmieniks, na tur kò im dud' èst'; un na tur pòr ku dzirdiejt'; wina nakti pascièia jàm taj: war byùt', kad tà èšsi por porszkòdi da jz-jmszo-nas tòs naudas, dieltò: ab poszu puś nakti jz-èj nu ustobas, un ej puś jwdzies kajdas da tòs un tòs witas, bet' ej neatsawierdamis atpakal, un tymò wita gajd ifgi.

A kad Sajmieniks taj padarèia, wini ty-ma łajka, pajmnia pòr łòbòku zyrgu, ajz-jw-dzià rotis, wlyka wazuma, kajds tikwin bie-ia łòbums un rubaga da mieža. Nu tòs rej-zis tys Sajmieniks dógòia da padieios bie-diejbas, un nu Sajmienika pafyka pòr łaj-byli.

Ontons: Ach! paldis tiew Powutś, pòr tù, kad tu essi man taj pascièis. Tyùleł jz-dziejšu tús tajdakus nu munas ustobas.

Cyti Sajmieniki wajcowa Powuta, waj-že narunòwa ko wajrog Bazniejckungs?

Powutś: Runowa, un pišcièia jàms pas-ciejt', kab jws natycatumiet' aba kàm ni-bieis; un kab nasadutumieties wigli abmoniejt'siewi.

Runowa: Daudź ir pi jàws blèniu un Za-babonu, un taj: Jo kajds Żydiens aba Krywś,

gryb, nu jums pierkt' kajdu łupu; kaj to: Guwi, Wuszku aba cyku, un jo na dud' tik, cik iej stoń, na ad dud' lészé, un na wi- rej tam ku wini runoj, „jo neadnińi na- jś „tiew pa rukaj, nasawieźsis un jz-kals.“ Na- sabiej-tis to: bet' wieryś un sorgońś, kab wi- ni pi czupynoszonas łupa, na padarejtu kajda slyktuma, un nasamajtoju; ajsto: kad wini un taj gotowi ir padarejt'.

Jo poszy pierkot' Zyrgu aba Guwi, tar- gawońś łabi, kab napormoksot'; un nagodońt to: kad targawońtis nawatag, ajsto: kad na- jś pa rukaj. Nawirej, mały to ir: ajsto: jo kas pierks łobu un wasafu łupu, jo łabi ju ba- roś, jo turas łoba un sytta kława, jo dasa- wiersis wysod łabi; ejstiuń tys łups jś pa ru- kaj, koczba kaj ilgi targawotus.

Jo tury łobu Zyrgu, aba cytu kajdu łu- pu, jo kas isamielśis, kab koncza daboť nu tiawiń tu łupu; drusy, wary jam napordut' un turat siew; is pa rukaj: tikwin sorgońś, kab tys kotrys isamielśis, kó slykta tam tu- pam napadarejtu.

Runowa otkon Bazniejckungs: Mili mu- ni Sajmieniki! Daudź pi juns ir glupu un moz protieju Zabobonu: Un taj: Jus ty-

cot' Sapynym, kocz ir tajda ejstiejga piru- na: *Sapyns Pustums; a Diws patwie- rums.*

Un taj: rodas kam sapyna, kad is kaj putnys skrajda pa Padiebiesim, a wajze tys war byut' tisa? Jo kam sapyna rodos Suńś: tyuleń runoj:

„O! to byśś płokas Sata.“

Jo sapyna redź Sauli, aba bityas, tyu- leń biejtos, „To byśś guns un paźars Sata.“

Łoba to ir lita sorgotiś nu plotku un nu guniś, bet tós nełajmiaś warażejt' nu sapy- nu un jús biejtatiel' ir glupums un napró- tiejba.

Otkon ir pi mums tajda runa un jro- diums, kad guniś nu parkiwnia nawar dźiaśt'. Un nawar ni ar kú cytu abdźiaśt', kaj tik ar Kozas pinu. Ir tó: ejsta małoszona un jz- gódoszoznas. Parkiwnia guniś, ira tajds pots, kaj un wysajds guniś; war ju abdźiaśt' ar iwdini, kaj siewkuru guni. Ira tajdas wi- tas, kad Kozas niwinas nawa pór pus jw- dźias, tod waratu wysa Sóta sadłagt', ko- lejta kas at-itu ar Kozas pinu. Otkonkurajs.

war dabot' ajz-cikam Kozu pina, cik da dzysynoszonas pažara waiaga?

Otkon tycot' kad war waŋnam ajz-rakstiejtiš, waŋnam kotrys waktiej un sorgoj naudas; kad is tam, kotrys jam ajzarakstiejtiš, nosoj naudu da ustobas caur trubi por kotru iz - jt' dyumi nu cieplā. Ir tō pustas jzgodoszonas ŋajdaku, kotry myūsu Tawus moniēia.

Ūz goŋa runōwa Bazniecungsks, kad na cizš warejga ir lita piminiat' un jz-stōstiejt' wyssus Zababonus un blēnius. Bet' pisciēia jūsim runot', kab nu jus sorgotumietiš, kab caur ticieszonu winim, Diwa neabkajnotumiet', un kab siewi poszus nabajdiejtumiet', bet' kab dziejwotumiet' mirejt' un ŋajmiejt', iksz Diwa turadami nuciēiu.

G O B O L S 25.

Pawijciejšzona kū, un kaj waiaga darejt' ŋajka slimiejbas.

Jo numani, Kad tiew na ŋabi ir: Kad tiew gotwa, kryuž's āba wadars ajzsopiāš; jo dzierdi karstini wydō siewiš; aba, jo: pa

kautym por-jt' kajba twiejkszona; aba, jo dzierdi stobumu iksz siewis, tuŋajk porstoj ēēt' tōš strawas, kotras kas dīnas ēdi, pisaturiš nu gryūta dōrba.

Waiag ar siewi taj darejt', kaj dōra Patmalniks ar patmali, kotrys kad pasorgōš, jo kuŋaks skrytulā, aba kajda cyta moza lita sasafauziēiōš; porstoj malt', ajztur jwdini, un prowiej samajtotas litas, kab naturatu lefo-kas szkodieš. Taj posz un tū, dzierdiejdams iksz stewim kajdu mozu slimiejbu; sorgōiš, kab neajzasaldiejtim kod ēši saswiejt's. Starawiēiš byūt' prycejgs un mirejgs. Na ēd wakarenias pret nakti, ej drusku pa agrok gulāt, ne kaj siewkura ŋajka; pagulitgok ne kaj wysod.

Kambary kuŋ gūli, jo ir gryūts smordš, un gryuta dwasza ne ajz-slādž. Waiag ab-tiejrej't' dwaszy, atdarejdams ŋugus un durawas.

Wyssuwajrog mozok ēd ne kaj wysod, kab wadara cizš neabgryūtynolim. Na dziar brandiwienia ni mada. Na ēd Ulu, Sira, cī-tu klōcku, bet pasok siew saworejt' szkiejstas putras, aba, jo wareši, to pasok Cōli nukaut'; un ar tū Cōli saworejt' krupnicieni, a

jo nawary taj, to sasytd Ota un jz dziär, bet softa ôta na dziär.

Jo stymosi wosoras fajka; jo ir pi tiwri dôrzien, to wary äpiašt' drusku na daudz ügu swiežu, daspiëtusu; kaj to : Wïšniu, Parëczku; aba Awikszu. A jo žimas fajka stymosi; jo ir kaltiejti Obuli; to wary drusku bet' na daudz Obulü saworejt' un äpiašt'.

Jo tiw stymam, grybiš dziärt', wary dzierť: bet' jo dzierdi wydo lefu sfopstini, na dzier daudz rejzia, kab neabgryutynotim cisz wadara. Na dzier skoba ôta, ni dyuniota ôta (mëtnë). Na dziär ni brandiwienia ni mada bez paradas Doktora.

Ajsto: kab abgryutynotim towu wadaru ar citom un naizgramigom strawòm; byütu to lejda taj: kajba patmalniks paťajstu daudz jwdinia uz samajtõtas Patmaläs; ejstin sapustiejtu ju pa wyssam. Jo grybi byüt' wafafs dzier tiejru jwdini nu Okas aba nu Ołuta, bet' na softu.

Wary un taj padarejt': jwdini ajz-worejt', un korsta jwdini jimšašt' goryuzu majzis, un etikia toba diw liziejkas jlit', un dädud' dru-

sku mada, druszy dzier, neajzwõdiejš, bet' dzier na pa daudz uz rejziäs.

Jo stymosi cisz, taj kad nawarasi nu guřtas pots pasaciälis, waiag ługu ajskort' ar kajdu drebi, kab gajszums naspiejdiejtu acis styma, ajsto: kad spudrys gajszums dôra namirejbu stymam.

Da tös ustobas, kur stymajs gul, faj daudz laužu nasatõsõs, faj na dôra ktaigoszonas. Diel sowas piradinieigas waiadziejbas, faj stym nastajgoj ora, bet' faj ustoba, kajda spani aba balgiejtia izatukszëias; tyuleñ tu spani ora izniašt'.

Kas dinas agry waiag atdarejt' ługu, kab por-ju swiežajs wiejš pa ustobu; bet sorgotis kab wiejš tajzni na-ju uz guřtas styma, a jo it wiejš uz styma, waiag koñcze guřtu un stymu abkõt' ar kajdim potõgim. Wosoras fajka, kad ir łobs fajks, wyssu dinu war stowiejť ługs atdarejts; bet tikwin kab na byutu tiw guřtas.

Jo ir cisz korsti ustoba, łabi padarejti, jo uz Akminiü aba dziełzi korstu idadzynot', palisi etikia, smords etikia; sorgoj nu miera slimiejbas.

Žimas fajka, nawaiaig kab cisz korsta byüt-

tu ustoba, un kab gułts słyma nabyutu tiw pi cieplá.

Nawaiaǵ słymu kłót' ar piernom, bet ar wigtu kajdu połogu, kab tikwiń byutu apkłótś. Kóias słyma, kab wysod byutu syłtas; dielkót: wary akminiús aba syłtas cęǵtas likt' da kóiu.

Jo słymajs jsokś pa mozam wiesielejtś, łaj kas dinas, kocz uz stundiś aba puś stundieś jzliń nu gułtas; bet tikwiń na tułajk kad ir saswiejdiś. Jo nawar pòts pasaciál-tiś, to waiag ju porniaśt' uz utròś gułtas, kocz uz ejsa łajka, kolejdź jo gułtu portajsiejś uz jauna.

Łabi ir: jo wary kas tresza dina pormiejt' sły mam krakłus, bet nawaiag dud' sołta krakła, pymok waiag ju absildiejt'; tys ir wysuwajdziejgokś tułajk kad słymajs sły-moj uz Karstinia, uz pokim un uz najśá.

Jo sły mam ir ajztwierszona wadara, un jo ilgi nastajgoj ora, waiag sły mam dud' le-watywu; ir to cisz palejdiejgs sposobś. Ło-bók un wigłók ir páimt' diemit Lewatywu, nekaj winu rojzi zelwiás (proszki) diel jzwol-niejszonus wadara; ajsto: kad zelwies, ko-lejdź atmiejkstynoś sadaguszus wydò syudus,

dora wadara gryższonu, sopieś un nuskumiej-lu; a Lewatywa drejżok un wigłók tu padó-ra, un mozok stou.

Da lewatywas waiag páimt' sajiwi Ku-miełeniu (Romianku), jbiáct' da kwartas war-dama jwdinia, pastatiejt' un absiakt' uz łaj-ka; kad piwilks un jwdiniś paliks dzałtons, porsyukt' pòr drebi; tyma jwdini jmiáśt' diw liziejkas Eleia. Aba liziejku nasóleja swi-sta; aba drusku jzipot'; un tu jwdini aba ar Serengu, aba ar puzyri, (kaj runowu pyr-mok) itajst' wydò sły ma. Ar puzyry taj doròś.

Waiag páimt wiepra pyúszli, caur cau-rumieni pilit' tymo pyuszli jwdinia ar Ku-miełeniom; aba kocz un tiejra syłta jwdi-nia. Caurumienia pyuszlá jlikt' spotwu zu-siás, gołtu spotwas pyuszli ityktaś, absit' cisz ar digim; a utru gołtu spotwas jbośt' zorna pakaliś sły ma, pamikt' pyuszli, jw-diń nu pyuszlá jskrys wydò cyłwaka sły ma.

Aba cyti taj ràdiej: Spotwa zúsiś ar ósom mołkom war saraniejt' zornu; tod łobok wa-iaǵ páimt' tiwińku czybucieni nu piejpias Ziennika wyda un aplejk' łabi ju abtiejret',

isít' pyuszli, un tolok taj darejt', kaj ar spotwu.

Lewatywa na tikwiń jzwolniej wadaru, bet' abwiesieléj un stıprynoј zórnas, un karstini wyđó atdzysynoј.

Pi styma waiag wysod siediat' un wakatiejt'. Wina nikod napamiast'. Na waiag slymam, nikó tajda runot', caur ku is war byút' nuškúmıgıs. Jo kajda nutıka nełajmie aba ustoba, aba Sólta nawaiag to stóstiejt' stymam.

Tiw pi ustobas kur stymajs gul, kab ni-kas neklajgotu. Sunius ajz-spıst', kab caur rejszonu namajsiejtı spokojuuma stymam ajsto: kad kłusums un mirums, stymam ir cisz palejdziegas. Waiag stymu prycynoł' wysajż. Nawaiag stymam runot' tó, kad is jat' nabywś wasaśs. Kad is numiers, tajda runa dóra jam namirumu, un wajynoј sli-miejbu.

Ti laudś kotry stajgoј ab stymim, a wysu wajrog jó ir miera slimiejba; taj kod ni-bieis ab-ad' pa druskaj úgu paagła. Porejgi daudź taj na ad' ni dzier. Łabi ir, jo kas dińas, jzdbárs pa winam aba diw kiliszkus brandiwienia, bet tymó ustoba kur stymajs

wajd, nawaiag ni ést' ni dziart', a wysu wajrog swiečam cytwakam Ab stymim stajgóiamam slikaš waiag cieszki jz-splaút'. Rútkas un muti waiag cieszki mozgot'. Krá-klus cieszki waiag pormiejt'. Wysuwajrog taj sorgóias, kad jznas spańi, kuryma stymajs jzatukszóios, kab smords nu syudu na-jtu daguna un mutie, ajsto: kad tys ir cisz wodiejgıs.

Runowu da tam, kaj waiag darejt' taj-ka slimiejbas diel missas; tagad' wiel pastó-stiejsu kaj waiaga starawiejis ab gorejgom wáidziejbom; tys ir: ab dwiesielı.

Jo kas stymoј towa ustoba, un pasorgó-si kad slimiejba kad dińas wajrynoiós, nawaiag itgi gajdiejt', da tó łajka, kolejdź stymajs cisz ab stóbs, aba paliks bez pimieszonas; bet kolejdź ir pi łoba próta, waiaga jó pawajcót'. Wajgrybi kab prasiejtımiem Baz-niejkunga da tiwim, kab atprowiejtim Spo-wiedi?

Pieć Bazniejkunga waiaga syúliciejt' pujszkinu gudroku un protiejgoku, kotrys moca-tu un waratu abstóstiejt' Bazniejkungam; Kaj stymoј sliminiks? uz kajdas slimiejbas is stymoј? Waj war da jo braukt' ar Wys-

su Swatoku Sakramentu (ajsto: kad wjam, tó naŕar pijm? Wyssu Swatoka Sakramenta). Waj na dziera, aba waj na čdia ko? etc. etc. etc.

Puyskińś kotrys wiázś Bazniejckungu, un wina wazuma ar Bazniejckungu; taj ni-kó narunoj, ni wajcoj nu Bazniejckunga; ajsto: kad napidar runot' tutajk kad Bazniejckungs brauc ar Wyssu Swatóku Sakramentu.

Tyma tajka kolejdź Bazniejckungs abraukś, waiag Ustoba padarejt' paradku. Ustobu jz-slauciet'; jz-kiwpynot' ar ugom padglá. Nu ustobas jzdziejt' Sunius, Cyukas un wyssas. Gołdu diel palikszonas Wyssu Swatoka Sakramenta waiag ab-ktot' ar bołtu un tiejru gołdautu (obrus), aba ar bołtu un tiejru skustu. Uz wydas gołda waiag pastatiejt' krystieni (krystieniś pawinnys byūt' siewkura ustoba). Pi krystienia waiag pastatiejt' wéska Swiaći (gromnice).

Uz mołes gołda pastatiejt' bluda tiejra jwdinia diel paswietiejzonas, un kajda nibiećis traucienia na daudz sóla. *Krapida* aba słutienia patajsiejta nu cyssu waiaga kab byútu pi jwdinia uz gołda.

Tajpat' liziejka tiejra, un na leśs pycieniś pokóta. Słymam waiaga wajgu, rukas un kólas ab mozgot', gołwu jz-súkot', un bołtas tiejras drebieś abwilkt'. Taj pat' un gułta slyma, kab byutu absiakta ar bołtim potogim.

Laužu nu wyssas Sólas wajrog waiaga sataśiat', dieltó: kab wajrog Diwa tyugtu porstymu, un taj gajdiel' Bazniejckunga:

Kad pasorgóśi jau abraucamu Bazniejckungu, jo dzierdieši kad brauc ar zwanieni; ziejmie to ir: kad brauc ar wyssu Swatoku Sakramentu. Tutajk waiag ajz-diagt' swiaći uz gołda. Wyssim jz-jt' nu ustobas ora diel porjmszonas Bazniejckunga, un jz-jt' ora nu sińciu.

Kad Bazniejckungs jbraukś uz tú pogółmu kur ir ustoba slyma, wyssim laudim jz-gószym nu ustobas diel pórimszonas Bazniejckunga, waiaga atsamiastis uz cielóm, un pa mozam dzidót'. *Taj top' ciniejs un gudynots, tys Wyssu Swatokajś Sakraments,* etc. etc. etc.

Kad Bazniejckungs jz-šiaś nu wazuma, un ijs da sińciu ustobas, wyssim laudim waiag it' pieć Bazniejckunga da ustobas slyma;

bet ijdami da sūnciu waiaga pōrstot' dzidot';
ktusom ijt' da ustobas un atsamiāšis cie-
lūs.

Bazniejckungs swietiejs jwdini, piec por-
swietiejszonas jwdinia; ar tū jwdini paswie-
tiejs, slynu, ustobu, un wyssus lauds ustoba
byudamūs.

Piec tō: tyuleñ wyssim waiag jz-jt' nu
Ustobas ora; ajsto: kad slynajsspowiediejsis,
Iz-gōuszy lauds ajzdarejs durawas ustobas.
Siūciōs atsamiāšis cielūs, un dzidoš kajdu
swatu dzismieni, bet dzidoš pa mozam, na-
kājgodami, kab nadarejtu porszkodieš sly-
mam. Siūcios un ora pi Noma sōrgotiš kab
nabyutu kājgoszonas, smiāszonas, un bez wa-
iadziejgas runas. Waiag piminiat', kad ustō-
ba ir wyssu Swatokajs gosts iksz Swata Sa-
kramenta.

Piec Spowiedis Bazniejckungs ajz-zwa-
niejs ar zwanieni, tušajk lauds taj jt' da ustō-
bas. Atsamiāšis cielūs, un ktusam siewku-
rajs saciejs siew „*Eaj top ciniejs un gu-
dynots tys wyssuswatokajs Sakraments,
ejstyna missa un asenis Kunga Jezē
Chrysta.*“

Bazniejckungs atsamiāšis cielūs, atskaj:

tiejs, *Confiteor Deo, Misereatur tui*, un cy-
tas siew zynomas tyugszonas.

Kad pāims wyssu Swatoku Sakramentu,
un jsošs saciejt' tus wordus:

*Sze! Diwa jars, kotrys nuciela pasau-
lā grakus! O Kungs Jezē Chryste! ēs
na asmu godnys.* etc. etc.

Wyssim laudim rejzia ar Bazniejckungu,
waiag saciejt' skajnieji pa mozam, taj;
kab un slymajš waratu skajiejt' aba dzier-
diāt'.

Kad atduš Bazniejckungs Wyssu Swato-
ku Sakramentu slymam. Tyuleñ wins, aba
wina, kotry mok uz gromotas šasiejt'; taj skaj-
ta skanieji, wigli, pa mozam tyugszonas piec
piimszonas Wyssu Swatoka Sakramenta tys
ir: *O Diwa jars newajniejs.* etc. etc. etc.
Tos tyugszonas waiaga skajiejt' tolejdž, ko-
lejdž Bazniejckungs abmozgōš pierstūs, un jw-
dini dūš jz-dziart' slymam.

Kad jsošs Bazniejckungs dud' slymam
postōru Swietieju; Tušajk waiaga nu gro-
motas skajiet' Litaniiu da Wyssim Swā-
tim, wins skajta, a cyti wyssi atsoka.
„*Lyudž tū Diwa por ju!*“ (tys ir: por slymu).
Piec atdušzonas postoras Swietiebas,

jwieższonā ir wysur, skajtiejt' *Exorta* uz sty-
ma; tys ir: porswietiejt' stymu. Tod, ko-
lejdž Bazniejckungs swietiejs stymu; jo pa-
biejks Litaniiu da wyssim Swātim, wai-
ga nuskajtiejt' sieptienius potierus, uz jntencias
styma.

Ir otkon zwyczajs myusu mōta tajds; kad
Siwities prōsa Bazniejckunga, kab porswie-
tiejtu mozus biernienius (toba to ir jwieższo-
na un gūdiejga) waiag tod barnus ajz tajka
sawiašt' da ustobas a mozus biernienius ajz
tajka klēpi pājmt'; a na tuťajk raustiejt' nu
szyupielū, nu kōkta, nu cieplā, kad jau wa-
iag swietiejt'; ajsto: kad biernieni taj rāu-
stiejtī, un pieszki wilkti, sasatryukstas; por-
sabajdōs, jsok raudot' un piejkstiejt', a caur
tū dorōs nespakojnims un namirums stymam
un cytim.

Kad Bazniejckungs porswietiejs biernie-
nius, kad nūimš nu siewi Komžu, tuťajk jau
waryt' runot' da Bazniejckunga un wajcot' ab
kajdom waiadziejbom.

Porsorgoszona.

Mozus barnus nikod nawaiaga bajdiejt' ar
Bazniejckungu; ir zwyczajs pi jwsu; un cie-
szki taj runōt' da barnim. „Nu pagajd', pa-

gajd'; pasciejsu Bazniejckungam. „Bazniej-
kungs tiawi siss' ar letu potogu.“

Barni dziediejdami tajdu runu, biejsos
Bazniejckunga kajba kajda wyťka un bag' un
głobōios nu Jō.

Waiaga runot' da barnim kab jus abdru-
synot' da Bazniejckungu, taj: „Mifajs barns
wujeis' potiēru; wujcys skajtiejt' gromota!
Bazniejckungs kad atbrauks, es jam pasciej-
szu; Is tiawi pakwolējs, a war byūt', dūs
tiaw obrazieni, Krystieni aba cytū kajdu gas-
cinczu.“

A taj barni nasabiejšis Bazniejckunga, bet'
drusaj is da Jō, kaj da sowa Tawa, un mi-
lōš Jū.

G O B O L S 26.

*Kaj waiaga darejt' piec slimiejbas, kad
jau sliminiks jsoks wiesielejtis.*

Daudž ir tajdu nutikszonu, kad piec at-
sawiesielejszonas, otkon drejž at'krejt' cyti
tyma posza slimiejba; un tiej utra slimiej-
ba, wysod gryūtoka ir ne kaj pyrma biē-
ia, tu atkryžszonu Doktorī sauc *Recidiva.*

Nu kajduż przyczynu pait' tiej Recidiwa?
 Oto nu tó: Kad cyfwaks pieć gryutas
 slimiejbas nabyudams wiel pa wyssam wasaś;
 zwalej siew wyssa. Kajtò: Isok gryutu dorbu strodot'. Isok wyssu èst' un dziart',
 taj, kajba pa wyssam byùtu wasaś.

Siewkura slimiejba dóra iksz missas cyfwaka
 kajba kajdu sąiaukszonu (nieporząddek),
 tó sąiaukszonu cisz pa mozam waiag prowiejt'.

Abstobuszajs wadars nawar drejż un łabi sagramajziejt' wyssajda èdinia.

Oda missas cyfwaka, caur itgu gùleszonu cisz
 biejstas softuma; dieltó: wiesielejdamiś waiag
 byùt' cisz uwaźnam un waktiejgam, un taj darejt'
 kaj es' tiew pastòstiejszu.

Tyuleń pieć slimiejbas nawaiag to èst', ku tu
 lùbiej, un èdi łajka wiesielejbas. Szkiejstieniś
 Krupnicieniś, ar gabalèni swiečas galiś Gúwias
 aba wystas (jo wary dabot'), bet galà kab
 nabyùtu tukła.

Aba: Wary Oła sasildiejt', ajzbałynot' otu r
 ułás dzałtominiu; pidrupynot' oła majziś, un tu èst',
 łabi ir.

Tyuleń pieć slimiejbas na èd' Zierniu, Pupu,
 citu klocku, Dassu, wiepra galiś;

ajsto: kad abgryutynoszona wadara cisz wo-
 dziej.

Jo grybiś tiew èst', łobok cieszkok bet' na
 padaudź èd', winu strawu èd'.

Jo dziedri słòpstuni, na dzier skoba Oła un
 dyùniota, bet otu tiejru un spudru aba jwdini.

Pymok rejieszku, łabi ir drusku na daudź
 pastajot', a wyssuwajrog agri; bet' pret poszym
 rejieszkom, aba tyuleń pieć rejieszku, nawaiag
 daudź stajot', un łabi ir drusku at-sapywstiaś.
 Wokora uz naktiaś waiag pa wys-sam moz èst'.

Ajz łajka waiag it' gulàt', un agry cieltiaś.

Wajrog kaj sieptiejnias aba ostojnies stundies
 nawaiag gulàt'.

Jo pòr diw dinas aba trejś nastajgowi ora;
 to ziejmia; kad ir ajztwierszona wadara,
 dieltó: waiag paimt' Lewatiwu; ar zynomu
 sposobu.

Pieć slimiejbas, ajz dorba tułajk jmtiaś,
 kad essi jaù pa wyssam wasaś; ajstó: kad por
 winu dinu dorba, pyrma łajka, wary jkryst' slimiejba
 uz cik Niedielà.

A wyssuwajrog Siwitiàs pieć slimiejbas

kajdas, aba pieć dzymzsonas barna; taj na drejż jamás ajz dórba un stajgoszonas, kolejdź pa wyssam byuś wasafas, un atmiekleś wysu sowa prykszdziéiu spaku.

Jo pieć ilgas slimiejbas tyukst kóias un fytkas, nawaiaig to biejtis. A kab nu tós aptyukszonas mozok byutú sopies; waiaig kóias un aptyúkszusas wítas smieret' ar brandiwieni ar Komforim, tiej aptyukszona izgajś posza bez Zolú.

Bet' jo aptyukszona stoú czetras Niedielás un nanikst; waiaig wajcot' Doktorá.

Wiel tie parakstiejszu winu porsorgoszonu diel Siwitiu, kotras pieć ilgas kajdas un gryutas slimiejbas, wysudrejkok un wysu-pymok gryb núit' da Bazniejcas.

Loba to ir un gudiejga grybieszona; un pawinnost' ir siewkóra Katolika patiejkt Diwam por dútú jam wiesielejbu; por tu: kad Diws jzwoléia nu sopies, un nu ciższonas slimiejbas.

Bet myusu Bazniejcas, a wysuwaajrog myúra, Bazniejcas wysod ir softas; iksz jóm wysod ir gryuts smords; ajsto: kad reszy kod tugi un durawas pawy-sim atsadorós. A tyugszonas ir ilgas: tys ir: kolejdź jzkfausiejši

Misa Swata, atdzidosis *Ok tu Swats Diws*, pasabiejksis Mociejba; por-jt' cieszki trejs stundies, un wajrog. Nu tus pryczynu cieszkas ir nutikszonas, kad tys kotrys atsawiesieleios, idams da Bazniejcas tajka slapnia, softa, Byudams Bazniejca por cik stundiu; ot-kon jkrejt' slimiejba, un gryutok stymoij, ne kaj pyrmu rejzi.

Tajda swietiejba nawar byut' Diwam mifa un patiejkama! Łobok tod, da tajka pa wyssam 'atsawiesielejshonas, Sata Diwu t'ytugt', un patiejkt' Jam por wiesielejbu.

A kad jañ pa wyssam byusi wasats, un dziedieši wysu spaku iksz siewim: tulajk waiaig it' da Bazniejcas; da Noma Diwa, da wítas tyugszonas; un tur ar paziemiejbu, pret Tronu wysuaukstoka Winiga Diwa, ar sabarstu sirdi, patiejkt' pór wiesielejbu, un prasiejt' ab tú wysudorgóku downou.

G O B O L S 27.

Porsorgoszonas kaj waiaig absa-jtis ar guni.

4. Jo godói iz-jt' nu ustobas, aba jt' gutat', absawieris wysur waktiejgi. Waj na-

wa kur kajdas nelajmies. Wysur abdziaś
guni. Pasawier waj uz witas ir szkielti-
wie.

2. Jo nu szkieltiwies szkielśr guni, wie-
rys kab pulwiers, tys ir : sadadzynota dre-
bie, aba garynia łabi byutu abdzasta. Gu-
ni łobok agry, ne kaj wokora uz naktiś
szkielś.

3. Ajzdagtas Swiaciaś, aba dagama Sko-
ła, nikod wina napamiet' bez cyřwaka; a jo
waiga kończe pamiast', tod jstot ajzdagtu
swiaci spani ar jwdini pilitu, un taj pa-
miał', kab ni Sunś ni Kakiś nawaratu da jōs
daiť.

Liktarni ar guni, łajka kulsonas, aba řy-
nu pajsiejszonas, nikod nakor uz wierwiej-
tieś, bet uz dziełza drōta, un nakor tiw
bołkas.

Jo dadzynoj skołu, zam ugli krejtamu nu
skoła, pastot kajdu trauku ar jwdini, kab ugli
ar guni jwdini krystu.

Jo dadzynoj swiaciaś aba Lampas; abtrej-
dams, weryś kur swidi knotus abtrejtus, si-
kod naswid' kōkta, ajz ługa, bet' wydo ustō-
bas; un ar kōiu łabi ajzmiejd.

4. Nakti bez łuktarnias nastajoj ar guni

pa klawim, pa kormim, un pa aukstini ustō-
bas, a wysuwajrog tur, kur ira pokofas, řy-
ni, cyssas aba skajdas. Wierys kab łuktarnia
nabyutu sadauziejta.

5. Jo Kławu aba Stali waiaga kijjopy-
not; to pudu ar uglm jstot spani ar jwdini
pilita. Un tō puda nastot tajda wita, kur
war ajzadiagtiś goldi; aba kur war jz-gośť
pudu Suni, Kaki, aba jkryst' ima cyssas nu
wierśa.

6. Jo piepiej piejpi, nikod caur ługu nu
Ustobas jzakōńca piejpiej. Un wierys kaj-
da wita izkra piejpi. Nastajoj ar ajzdag-
tu piejpi da řywnies, da Kula, da Kławu,
da Kletis, kur ir řyny, Pokofas, aba Sinś
un cyssas, aba řynu putieki aba ogufu tiej-
klēni.

Nastajoj pa Sōtu, piejpi piejpieđams, kocz-
ba byutu ar wōku piejpie; ajsto : kad mozas
dzierkstienias caur wōku war jz-kryst', un
byut' leła nelajmia.

7. Kwapas ab pryszku cieplā un Kominus
kur ira cieplis ar Kominym, kas Nietielas wa-
iaga jz-trejť.

8. Uz kuknias, nalić nikod už gunis rej-
zia daudz cyssu, sausu skajdu, aba sausu ře-

góru; a wysuwajrog sorgóis, kab nikod dandz na liktim Zogoru Skúis, pa églis, un prydiu, ajsto: kad war ajz-swilt' rejzia guńs, *Pych-niejt'* un byút' pažars.

Uz cieplá, un uz pryszkas cieplá nalić dandz mołkas diel iskaliejszonas, a wysuwajrog Zogoru, Essi waktiejgs.

Jo ustoba towa; ir na tol nu cieplá pi sanas, jnyúrots katlenis diel sildiejszonas jwdinia, aba jo cieplis tows ir da poszas sinas damyurots, wicerys cieszki kab pielás sinas na porgraustu, un kab caur caurumienim nu pielú padarejtom na jitu guńs da Sinas. Jo kalties Isólu, na pamiat' guńis winas, un na ej nust'. Esze waktiejgs.

9. Jo smažejsi taukus aba Eléiu; zam puda, mozu jzlic guntieni, na ej nust nikur. Da smažejszonas tauku aba Eléia, na - jam puda porplejsusa; Na-jam otkon tó puda, kuram mołas nu wiersa ir jz-systas.

Wyrdamu Eléiu aba taukus na majsy ar slapniu liziejku. Ar ajzdragtu skotu nasawieris wydó puda aba Katlénia.

Jo grybi kú ibiart' da tankim, aba da Eléia smažeiamá, waiag pyrmok pudu aba Katléni nuimé nu guńis un atstatiejt' tol, a

tutajk biar. Kab ajzadagtus tukłums, tys ir: tauki aba Eléjs, nadziás ar jwdini, ajsto: kad wajrog wiel ajzadiagsis, guns aukszok pasacielsis; un ejstin siewi abbrucynosi. Jo wariy, drejz ar slapniu, drébi abktoj cisz wiersu Katlenia, un damidz tabi ar kajdu galdieni. A jo nawary drejz tó padarejt'; to-bok wysus taukus aba Eléiu jz-lej pašnus; mozok byús szkodies, ne kaj kab Sata sadagtu.

Cyti runoj (bet es to nadawiréiu). Jo ajzadiagsis kajds nibiéis tukłums; winiejs sobs ratunka; jswid' da tó tukłuma dagama; kajdu gabaleni dziełza, kaj tó: ačlagu, pokowu, nogtu lełu, etc. etc. etc. a tyuleń abdzis.

Pokosta, Swiekiu, nikod naworej Ustoba, bet wysod óra, un tol nu Akú.

10. Pañus nu cieplá, biar wita zynoma un waktiejga, ajstó: kad pañós ilgi guńs turas.

Lobok pañus turat' szklepi aba pogroba, ne kaj ustoba aba Kambara, aba Kúka trauka. Ar uglim kotrus atdziast' diel Kalwa, esize cisz waktiejgs, ajstó: kad jai dandz bića pažaru un nelajmiu nu uglim.

41. *Pidzaruszym laudim; na łabi redzié-iamim, wacym cisz, un byudamim na pawyssam pytna próta, nazwolej ar guni pa Kam-bary un pa cytóm Akóm stajot'.*

Barnim na dud' garajniś, Szkieltiwia; nazwolej winim jmt' poroka, bliśiaś. Nuposzas mozotniś wuje jús uwagas un waktiejsonas; runodams winim cieszki:

Kad nu mozas źwierkstieniś, lets war by-ut' pażars.

42. *Łajka Kozu, Krystobu, Biaru, aba łajka cytas kajdas nibieś maltiejtieś, waiag kab wina kajda persona gudroka un nadzie-řeĩama brandiwienia, wysod pi guniś byutu, un jé sorgotu.*

Łoba ir to jwieźszona; kúr sińcioś wysod ir balgia pilita ar jwdini.

G O B O L S 28.

Kaj waiaga ratawotiś łajka Pażara.

Łoba tó byutu jwieźszona, kab siewku-rajs Sajminiks; wigłoka łajka nu dórbu; aba Swadnionim; aba pa wokorym, wujciejtu sowa

Sajmi; kaj waiaga byut' waktiejgam ar guni, un kaj ratawotiś.

Tyma Ustoba, kuryma gul Sajmia, waiaga kab ługi byutu drusku letoki, ne kaj tagad cytos witas ir pi jwsu; dieltó: kab łajka pażara wigłok un drejżok waratu iz-biajt'.

Łitas letokas, kaj to: Szkapias, Skrej-nias, kab jós drejżok un wigłok waratu iz-niašt' łajka pażara; waiaga kab pi jóm byutu datajsiejtas aús, jo na nu dziełża, to koczu nu strykia; ajz ko waratu páimt' un wigłók iz-niašt'.

Skrejnias letas pawinnas byut' wysod uz Parulú.

Kajmieni pawinni tyuleń saskryt' tur kur pażars ir; palejżiat' iz-nosot' łitas, un sorgot' kab na byutu zogszonas.

Barni un miejtas, kad jau dag Sata pawin-ni łopus nu kławu iz-dziejt', dziejt' nust nu Satas, un treim kajdim pujszkimim palikt' pi łupu un jus waktiejt'.

Jo ajzadiagsiś tyny, na jwdinia mieklej diel ajzłiszonas, bet páiam drejż majsu, aba potogu, abktóej guni un midź ar rukom, a cyti tymó łajka łaj jwdini drejż lej.

Jo uglós guniś, sákrejs grejda un ajzadiagsiś goldi; naraun goldus nust, ajsto: kad gunś nu tós raustiejzonas wajrynósis. Bet kaj spiēi, drejžok, abbiar tū witu kur guńs pasaro-dieos ar ślapnim syudim nu kława; a pieciok drejž lej jwdini.

Taj posz jo ajzadiagsiś stulps, naraun stulpanust, bet ju abmiat' ar syudim aba dublim, a tutajk lej jwdini.

Jo Komina aba Trubi ajzadiagsiś Kwapi. Waiag tyuleń kajda pūda pibiart' ugli ar guni, pastatiejt pryszka cieplā, wjuszku drejz atdarejt', un uz ugliu pūda jbiart' sajiwi Sara, tys duks sara is par Kominu, a utrys pujs tymó łajka, łaj drejž kóp uz jumta, ar ślapnim potogim aba cytom kajdom ślapniom drebiom; un łaj Kominu nu wiersa cisz ajzbož, a tyuleń Kwapi porstoś diagt'.

Aba taj padarejt'. Łaj wins pujs drejž uz jumta kop, a cyti łaj jam padud ślapnius syudus nu Kława, łaj wydc Komina swiž tus ślapnius syudus; wini krysdami pa Kominu iz-trejs Kominu nu Kwapim, a ślapnius syudu, guni abdzysnos.

Jo pasorgosi guni Pažara; waiag tyuleń

klikt' nu wyssa spaka. „Dag, Dag, Rata-woit, Waj.

Jo na tol ir Bazniejca un Zwaniejca; ar Zwonu lefoku, wina móta sysdams zwaniejt'; kab wyssi paziejtu kad uz gwołta, un uz ratunka zwaniej.

Jo pasorgosi pažary, sowa sóta, skryn drejž koiom; a jo redzeši pažary cyta sóta; siadsiś drejž uz Zyga, un skryn diel ratunka, bet skryn ne ar pływkom rukom; aba ar Spani, aba ar cierwi, aba ar skruczu tiejszam diel pažaru padarejt.

Siwitiās, miejtas un barni, łaj jwdini no-soj nu prūda, un łaj lej kajda Kubuła aba balgi; da tó jwdinia waiag ibiart' pašnus, kab jwdins byužu bizs un dyuniots; ajstó: kad jwdins dyuniots un bizs drejžok dzysynoj guńi.

Uz jumtim Akū, kotras na tol' ir pažara łaj jz-kop styproki pujszy, łaj jumtus łajsta ar jwdini samajsiejtu ar mótu aba dublim; ajstó: kad cyssas ablitas ar mołu aba dublim na łaj drejž ajzadagas.

Jo ir kur szklepi aba pogrobi, darawas da im waiaga ajz-miašt' ar syudim nu kławu.

Nu akóm natoléiom nu pažara, nu auk-
szyniu Ustobas; waiag nūimt' pokofus, ga-
li, taukus aba łaszaniu; kotras tó litas, wy-
sod zam posza jumta karyniéiós.

Łajka pažara waiaga tiemiejt', nu kuras
pusiás wiejs pyusz, nu tós že pusias un jw-
dini lit' uz guniś; Nawaiaga lit' jwdinia uz
lipśniś gunia, bet' uz bołkom daguszom.

Jo na tol nu pažara ir kajds pruds du-
blóts, ar tím słapnim dublim un ar slózu,
łobok dziást' ne kaj ar jwdini. Tūs dubliś
waiag uz guniś swist' ar szuplim, wina szu-
plá dublú wajrog stou ne kaj spaniś jwdinia.

Jó pažars lets pasacielás, un tolok it waj-
rynodamis, tulajk łobok ir winu Aku sá-
iáukt' un iz-wołkot' bołkas, ne kaj zwolejt',
kab ajzadagtus uz witas un wajrynotus pa-
žars. Caur jz-jaukszonu wina korma wary-ra-
tawot' pus sólás.

Jo sadiágs Sata towa Kajmienia towa
tuwaka, ratawoj jú cik towas warejbas;
palejdz jam cik wary; kad statiejs jaunas
Akás.

A ejstiń Diws ajmoksos tiew un towim
barnim symtkortieji por towu mifasirdiej-
bu, a jo un tiewi kóđ nibieis dasniágs taj-

da posza nefajmie, ejstiń cyti tiew palej-
dziás.

A wysnuwajrog Barni mili! Sorgótiés nu
zódziejbas łajka pažara; koczba dagtu Sata
Zyda, aba Czygona, aba un Tatara. Wys-
si lauds, ir myysu tuwaki! Siewkuru cył-
waku koczby is byutu kajdas nibieis ticiej-
bas, un statis, un ciltiś, iksz nefajmiś pa-
winni essom ratawot', a na kryudiejt'! Diws
ju nustropiéia ar pažaru un guńi, a tu ju kryw-
diej caur zódziejbu.

GOBELS 29.

*Pastóstiészona ab Parkiwnim, Žipšiom,
Aukom, un ležym wiewim; un kaj waiaga
darejt tajka jus.*

Wina Niediel, sasafasiuszym Sajmieni-
kim; kad parkiwni cisz graudziéia, Powuś
taj runowa:

Mieś sprosti lauds, daudz litu radzamu ná
warym saprast' un ab-jmt' (kocz tajsnieji ru-
nodams; un wysugroki lauds nawar ab-jmt'
un saprast' warejbas Diwa un Jo swata gur-
druma). Bet' es jums pastóstiésznu kaj gut-

dry laudš runoj ab Parkiwnim un Žipšniom.

Jo pāimsi gobošu Gientara (Bursztyn), aba gobošu Laka, ar kotru Kungi *pieczatawoj* syticiamas gromotas, jo jū patrejši ņabi ab myšu, aba ab cytu kajdu wythonu drebi; tuŭajk tys Gientars aba Laks trejt's, wigtas litas, kaj tó: spalwienias, Puku, un mozus gabalēnius papiejra, nu gon toliniās wilks da siewi, un turās pi siewiš kajdu ņajcieni, a Jo patrejši utru gobošu, tuŭajk nu pyrmat- skryš, un da utra dalejš. Tu prawdu siew- kurajs war wigli dawirejt'.

Ēobs gobošs Sara, Swiakiu, Stykta, un sausa Kūka patrejtās, dawatk da siewim cy- tas litas; a jo da tūs litu ņabi patrejtju, da- sadursim ar lešu pyrmiēu, rukas salejktu pierstu; nu tūs litu jzskryn da piersta dzierk- stienias sprāktstiejdamas. Tajdasze poszas dzier- kstienias warym redziet uz spoŭwas Kākiu, jo jū trejsim un gļaudiejšim tymsa.

Dzierkstienias tōs ir to auglis *materias*, kotru gudri laudš aba *Fizyki* sauc *guns Elek- trycznajš*.

Cytas litas; kaj tē: Swiakī (smoŭa), Sara, Laks, un styktys, daudz tōs gunis tur iksz siewi. A utras litas, kaj tē: Dzielš, Wars,

jwdins un dwasza (powietrze) moz tur iksz siewim tōs guniš.

Drejmiejšs spaks tos guniš ir tajš; jo iksz kajdas litas daudz ir jō; un jo na tol nu tōs litas byuš utra lita tajda, kuryma moz aba pa wyssam nawa tō gunia; tō guns tys pōrit nu winas da utras litas. A jo tos li- tas na ir wina wita bet' nā cisz tol nu sie- wiš, tuŭajk, ņajka tōs pōrjzšzona guniš elek- tryczna nu winas litas da utras, rodas dzierk- stienias guniš.

Ir padarejtas nu gudru laužu (kotrus sauc *Fizyki*) tajdas maszynas Elektrycznas. Caur tōm maszynōm wysugajszok tiej prawda ro- dōs. Caur tom maszynom pazyna wini; un mieš tam stipry tyciāt' warym; ajsto: kad taj ejstin ira, kad iksz siewkuras litas ir guniš Elektrycznajš, kocz mieš jo naredzom. Tys guniš ir nu Diwa radiejšs dieltō: kab caur jū ziemia dātus auglus, a lauds kab turātu wiesielejbu. Dasazynowamies kad tys guniš ir wajdziejšs, lejda kaj jwdins da dziejwies' cyŭwakam.

Tōd warym paziejt' nu kajdu pryczynu pāt' Aūkas, Zipsniās un Parkiwni.

Taj ir: Jo kajda leta tyučš pigapildiejšs